

## Protocol dalla radunonza communal d'orientaziun dils 12 da matg 2015 allas 20.15 uras en casa da scola a Breil-vitg

<b>Perstgisas:</b>	Maurus Tomaschett, commember cussegl da vischnaunca
<b>Prezenza:</b>	82 persunas
<b>Hosp:</b>	Madeleine Grob, planisadra
<b>Tractandas:</b>	<ol style="list-style-type: none"> <li>1. Beinvegni ed approbaziun dil protocol dalla radunonza dils 28 da november 2014</li> <li>2. Orientaziun dil niev plan da zonas</li> <li>3. Varia</li> </ol>

### Beinvegni ed avertura

Il president communal, Richard Caduff, fa a tuts presents in cordial beinvegni. In spezial beinvegni fa el a dunna Madeleine Grob, planisadra. El orientescha la radunonza partenent il curriu e passau dils davos tschun meins. Denter auter engrazia el a tut las persunas che ein stadas a disposiziun per las elecziuns communalas e gratulescha als niev elegi.

Cunquei ch'ei dat neginas decisziuns vegn desistiu dad eleger dumbravuschs.

La gliesta da tractandas, ch'ei stada publicada els davos fegls ufficials, vegn suttamessa alla discussiun. Da tala vegn buca fatg diever e per consequenza vegn la gliesta declarada ligionta per la radunonza communal da questa sera.

### 1. Approbaziun dil protocol dalla radunonza communal dils 28 da november 2014

Il protocol ei staus exponius sin canzlia communal sco era sin la pagina d'internet dalla vischnaunca. Dalla discussiun vegn fatg negin diever. Il protocol vegn per consequenza approbaus entras tscharna unanima.

### 2. Orientaziun dil niev plan da zonas

Il president communal orientescha la radunonza daco ch'ei dat in niev plan da zonas en la vischnaunca da Breil. Els davos 12 onns ha ei dau denter 5 e 10 revisiuns parzialas. La revisiun totala era previda el 2013. Suenter l'iniziativa da secundas habitaziuns ei vegniu decidiu da spustar quella revisiun. Vinavon menziunescha el che quella revisiun seigi vegnida fatga tenor plan e buca tenor proprietari. Suenter quell'informaziun surdat il president communal il plaid a dunna Madeleine Grob.

Madeleine Grob informescha la populaziun sur dil niev plan da zonas en detatgl. Ella menziunescha las differentas leschas cantunalas sco era federalas che ston vegni teni en per insuma saver far ina tala revisiun.


Suenter la presentaziun vegn dau liber la discussiun. Da quella vegn buca fatg diever.

**3. Varia**

Richard Caduff engrazia per la presenza, la partecipaziun e la confidanza e siara la radunonza allas 22.00 uras,

Breil, ils 13 da matg 2015

**Il president**



**Igl actuar**

